

Edizione diplomatico-interpretativa

Bernartz de uentadorn.	Bernartz de Ventadorn.
I	I
CO nort era sai eube. Que ies de mi non pensatz. P ois salutz ni amistatz. Ni messagiers nomen ue. Trop cug quieu fag lonc aten. Et es ben semblanz oi mai. Quieu casso cautre pren. P ois nomen uen aventura.	Conort, era sai eu be que ies de mi non pensatz, p ois salutz ni amistatz ni messagiers no m?en ve. Trop cug qu?ieu fag lonc aten, et es ben semblanz oimai qu?ieu cas so c?autre pren, p ois no m?en ven aventura.
II	II
Belz conortz qan mi souen. Con fui ien per uos honratz. Ar conosc que moblidatz p(er) un pauc no(n) muor de se. Queu mezeis uau en queren. Quim mis defoudat emplai. E car midonz me mespren. De la mia for-faitura.	Belz Conortz, qan mi soven, con fui ien per vos honratz, ar conosc que m?oblidatz, per un pauc no·n muor dese! Qu?eu mezeis vau enqueren, qui·m mis de foudat em plai, e car midonz me mespren de la mia forfaitura.
III	III
Eu len colpi de tal re. Don eu degra auer gratz. Mas fe quieu dei lal uernatz. Tot o-fis per bona fe. Esieu enamar mespren. Tort na qui colpa mi fai. Que qui en amor quier sen. Sel non a sen ni mesura.	Eu l?encolpi de tal re don eu degra aver gratz. Mas fe qu?ieu dei l?Alvernatz, tot o fis per bona fe. E s?ieu en amar mespren, tort n?a qui colpa mi fai, que qui en amor quier sen, sel non a sen ni mesura.
IV	IV

Per ma colpa mes deue. Que ia non sia priuat. Quen uers lei no(n) sui tornatz. Per foudat que men rete. Tan nai estat lo(n)gamen. Que de uergoingna quieu nai. No(n) aus aver ardimen. Qi(m) torn si no ma segura.	Per ma colpa m'esdeve que ia non sia privat, qu'envers lei non sui tornatz per foudat que m'en rete. Tan n'ai estat longamen que de vergoingna qu'ieu n'ai, non aus aver ardimen qi·m torn, si no m'asegura.
V	V
Qui ben remira eue. Oillz egolla front efatz. Quen leis es fina beutatz. Mais nimenz no ni coue. Cors lonc dreg ecouinen. Ient aflat cuendegai. Om nol pot lauzar tan ien. Com lo sap formar natura.	Qui ben remira e ve oillz e golla, front e fatz, qu'en leis es fina beutatz mais ni menz non i cove: cors lonc, dreg e covinen, ient aflat cuend'e gai. Om no·l pot lauzar tan ien com lo sap formar Natura.
VI	VI
Tant er ien servit per me. Sos durs cors felz et iraz. Tro sia touz adousaz. Ab belz diz et ab merce. Quieu ai ben trobat li ien. Qe gota daiga qan chai. Fer enun loc tan so uen. Tro caua la pera dura.	Tant er ien servit per me sos durs cors felz et iraz, tro sia touz adousaz ab belz diz et ab merce; qu'ieu ai ben trobat liien qe gota d'aiga, qan chai, fer en un loc tan soven, tro cava la pera dura.
VII	VII
Canzoneta era ten uai. A Franca na couine(n). Cui pretz enanz emeillura.	Canzoneta, era t'en vai a Franca, n'a covinen, cui pretz enanz'e meillura.
VIII	VIII
Edigatz li qui ben uai. Car demen conort aten çoi egran bonaventura.	E digatz li qui ben vai, car de Men Conort aten çoi e gran bon'aventura.

- letto 383 volte

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-1440>